

# INUIT ATAQATIGIIT

## Inatsisartuni



7. juli 2021

Inatsisartut Suleriaasianni § 37 imm. 1 naapertorlugu Naalakkersuisunut apequt imaattoq matumuuna saqqummiuppara.

### **Naalakkersuisunut apequt:**

- 1. Ilinniarfeqarfinni tamarmiusuni qassit ilinniartitsisoqarnikkut atortutigullu piareersimappat naqinnernik ilisarinnissinnaanngitsunik atuartitsinissamik neqerooruteqassallutik?**
- 2. Innuttaasut ilaat, meeqqat atuarfiani atuartussaaitaanermi ukiussarititaasut qaangerlugit ukiullit, naqinnernik ilisarinnissinnaanngitsut imaluunniit atuarniarnikkut allanniarnikkullu ajornartorsiuteqartut, qanoq periarfissaqartigippat pikkorissarnissamut il.il., taamalu piginnaasamikkut qaffasaanissaminnut ilinniarfeqarfinnut suliffeqarfinnullu appakaannissaminnut iluaqutissaminnik?**
- 3. Sammineqartumut tunngasumik paasissutissamik allamik Naalakkersuisut peqarpat?**

(Inatsisartuni ilaasortaq Sofia Geisler, Inuit Ataqatigiit)

### **Tunngavilersuut:**

Eqqoriarneqartarpoq innuttaasut 5-7 procentii, 2.821-3.900, naqinnernik ilisarinnissinnaanngitsut imaluunniit atuarniarnikkut allanniarnikkullu ajornartorsiuteqartut. Inuit ikittuunngitsut ulluinnarni inuunerat taamaasilluni minnerusumik annerusumilluunniit sunnerneqarpoq, imminut pilersornissamut inuuneqarnissamut periarfissat kalluarneqarlutik. Apeqqutinut qulaani allassimasunut tunuliaqutaavoq paaserusukkakku inuit taama amerlatigisut naqinnernik ilisarinnissinnaanngitsut aammalu atuarniarnikkut allanniarnikkullu ajornartorsiuteqartut eqqarsaatigerpiarlugit ilinniarfeqarfiit piareersimanersut ilinniartuuteqassallutik.

Kissaatigivara apeqqutikka ullut suliffiusut qulit qaangiutinnginneranni akineqarnissaat.